



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCCII. ad annum CCCCXXX.

Parisiis, 1644

XC. Vt si episcopus negligat suam dioecesim, communione priuetur.

urn:nbn:de:hbz:466:1-14918

LXXXVIII.

Item placuit, vt quicumque negligunt loca ad suam cathedram pertinentia in catholicam unitatem lucrari, conueniantur a diligentibus vicinis episcopis, vt id agere non morentur. Quod si intra sex menses a die conuentionis non hoc effe-rint, qui potuerit ea lucrari, ad ipsum pertineant. Ita sane, vt si ille, ad quem pertinuisse videbantur, probare potuerit, magis illius electam negligentiam ab haereticis, vt impune ibi sint, & suam diligentiam fuisse praeuentam, vt eo modo eius cura solicitior * vetaretur, cum hoc iudices episcopi cognouerint, suæ cathedræ loca restituant. Sane, si episcopi, inter quos causa versatur, diuersarum sunt prouinciarum, ille primas det iudices, in cuius prouincia est locus de quo contenditur. Si autem ex communi placito vicinos iudices elegerint, aut unus eligatur, aut tres. Quod si tres elegerint, aut omnium sententiam sequantur, aut duorum.

LXXXIX.

A iudicibus autem, quos communis consensus elegerit, non liceat prouocare. Et quisquis * prouocatus repertus fuerit per contumaciam nolle obtemperare iudicibus, cum hoc primæ sedis episcopo fuerit probatum, det literas, vt nullus ei communicet episcoporum, donec obtemperet.

X C.

Si in matricibus cathedralibus episcopus negligens fuerit aduersus haereticos, conueniatur a vicinis episcopis diligentibus, & ei sua negligentia demonstretrur, vt se excusare non possit. Quod si ex die,

16. quest. 3.
Placuit, vt
quicunque.
& in Con-
cilio Mile-
uitano II.
cap. 24.
Cod. Can.
cap. 122.

2. quest. 6.
Aiudicibus.
& in Con-
cilio Mile-
uitano II.
cap. 24.
Cod. Can.
cap. 122.

Et in Con-
cilio Mile-
uitano II.
cap. 125.
Cod. Can.
cap. 123.

quo conuenitur , intra sex menses , si in eius provincia executio fuerit , & non eos ad vnitatem catholicam conuertendos curauerit , non ei communitetur , donec impleat . Si autem executor ad loca non venerit , non adscribatur episcopo .

X C I.

Cod. Can.
cap. 114.
Et in Mile-
uit. cap. 25.
De hoc Ca-
nonne vide
notata ad
Canonem 22.
Concilii
Mileuitani.

Si autem probatum fuerit , eum de communione illorum fuisse mentitum , dicendo eos communicasse , quos , eo sciente , non communicasse constiterit , etiam episcopatum amittat .

X C II.

Cod. Can.
cap. 125.
2. quest. 6.
Placuit , vt
presbyteri ,
& diaconi ,
& 11. quest.
3. presbyt.
Et in Con-
cilio Mile-
uitano cap.
22.

Item placuit , vt presbyteri , diaconi , vel ceteri inferiores clerici , in causis quas habuerint , si de iudiciis episcoporum suorum questi fuerint , vicini episcopi eos audiant : & inter eos quidquid est , finiant adhibiti ab eis ex consensu episcoporum suorum . Quod si & ab eis prouocandum putauerint , non prouocent nisi ad Africana Concilia , vel ad primates prouinciarum suarum . Ad transmarina autem qui putauerit appellandum , a nullo intra Africam in communionem suscipiatur .

X C III.

In Decret.
Iuo. lib. 3.
Et in Con-
cilio Mile-
uitano , cap.
26. Cartha-
gin. III. cap.
4.
Cod. Can.
cap. 126.

Item placuit , vt quicumque episcoporum necessitate periclitantis pudicitiae virginalis , (cum vel petitor potens , vel raptor aliquis formidatur , vel si etiam aliquo mortis periculo scrupulo compuneta fuerit , ne non velata moriatur , aut exigentibus parentibus , aut his , ad quorum curam pertinet) velauerit virginem , seu velauit intra viginti & quinque annos ætatis , non ei obsit Concilium , quod de isto annorum numero constitutum est .